



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

7. Ob vxorem adulteram Gangulphus mundum deseruit.

urn:nbn:de:hbz:466:1-45686

ta est tormentis, vt à multis validissimis viris vix posset teneri. Ab his tormentis, ad aeterna descendit tormenta; punita, non correcta. Ita ostendit, adulteria, etiam in hac vita, Deum iudicem inuenire; si aliud nullum est, quod metuant, tribunal. Sic apparuit, bonis omnia cooperari in bonum; vt enim Confessarij, Concionatores, Exhortatores, virtutes exercent, dum alios reuocant à vitijs; ita & qui adulteria tollunt, possunt martyria mereri. Hoc deniq; pacto ostenditur, quàm iracunda bestia sit mulier impura. Nihil non audet, vt audeat, quod lubet. Si ergo inferni est imago, *habitare cum muliere rixosa & iracunda*; quibus libéret habitare cum ea, quæ venena, quæ vulnera, quæ funera meditatur?

Prou. 21. 19.

VI.

Sed neque cum adultera libet habitare. Qua de causa, etiam, Ecclesiæ autoritate, separantur, qui plus ægri ex perfidia tali capiunt, quàm si cum fera degerent. Itaque inuenti sunt, qui comparis adulterio offensi, toti sese Deo colendo traderent, cum antea essent diuisi. Relicta enim vxore, & rem suam sibi habere iussa, in ordines religiosos intrauerunt; aut aliò se in fugam penetrauerunt, Deo seruituri. *Paulus ille*, inquit Nicephorus, *qui ex virtute simplex est cognominatus*, (innet primos Antonij sectatores fuit.) *Quem ferunt rusticam vitam agentem, & cum formosa coniuge habitantem*, posteaquam eam in flagrante crimine cum mæcho concumbentem vidisset, grauiter sollicitus, adhibito iuramento, coniunctioni eius renunciaffe: eam statim dimissa, ad Antonium peruenisse. Hic qualis quantuquæ postea fuerit Asceta, totus orbis nouit. Vt talis fieret ex vxoris illi flagitio, occasionem præbuit Deus. De adulterio coniugij, de coniuge Mundi nauseam hausit Eremita, vt mallet, in solitudine, inter leones, quàm in vrbe cum Inpa habitare.

2. Cor. 7. 33.

Nicephor.
Callist. lib. 8.
cap. 40.

VII.

Sur. 21. Maij.

Gangulphus ille, de quo paulò supra memorauimus, cum raptam à coniuge matrimonij fidem, diuino iudicio, comperisset, debitas ab ea pœnas exigere noluit; ne superioris vitæ innocentiam promulgando aut puniendo alieni scelæris nauo obscuraret, ita tamen est eam allocutus. *Optarâm quidem, si fidem seruassés, & legi diuine conuenienter te gessissés, omnia tecum vitæ huius discrimina perpecti, & prospera atque aduersa omnia, vti cunq; fieri*

tulisset, a quo animo pariter suscipere, simul aquabiliter vivere, simul iucunde ab hac vita emigrare. Sed quando hoc te scelere obstrinxisti, morte quidem digna es, sed meis manibus nolim tibi necem adferre: divino potius te iudicio relinquo. Et, si quidem dignos penitentia fructus egeris, veniam à Deo impetrabis. Si autem tanta nequitie finem non imposueris, cum authore eius diabolo flammis gehenna inextinguibilibus concremaberis. Meo sane deinceps contubernio nequaquam frueris. Habes autem tibi, unde possis vitam sustentare, meam propter nuptias donationem. His dictis, cum suos conuocasset, ascenso curru, ad pradia sua, procul in Auabensi territorio sita, profectus est, pietatis illic & misericordia vacans operibus, nullumq; tempus solitis virtutum studijs vacuum abire sinens. At mulier infelix, datam à beato viro possessionem adiit, & jam sua relicta libertati, cum detestando illo Clerico, solita libidini indulgit. Interim vereri cœperunt, ne fortassis zelo inflammatus Gangulphus ambos repens interficeret. Valde igitur in eam curam & cogitationem incubuere, quo modo illum possent è medio tollere. Quod & Clericus sicarium ipse agens fecit. Sed non dilata est diuina vindicta. Vix enim derestabili mulieri nuncium lætissimum suæ immanitatis tulit, & mox cum facibus corporis viscera quoque in cloacam deposuit; negatq; ipsi penitendi spatio, infelicem animam in tartarum premisit. Hæc Surlus.

Exercuit hic benignum Numen Gangulphi patientiam, dum vxori noluit turbas concire, neque eam gladio verberare, aut magistratui obijcere. Ostendit insignem fidem, dum, cum vxore, si & ipsa fidelis fuisset, vsque ad extremum spiritum, omnem fortunam pati voluisset. Exhibuit magnum amorem honestatis, dum noluit viuere cum coniuge inhonesta, ne sceleris esset approbator. Monstrauit præclaram mansuetudinem, dum dimissæ alendæ suam propter nuptias donationem reliquit. Declarauit, nullum facinus tam fœdum esse, ex quo vitæ rectè instituendæ hauriri non possit occasio. Siquidem Gangulphus ab vxore scelestâ se separans, Deo se pietatiq; consecrauit. Quod planè multi hodieque faciunt, qui dum domesticas, inter coniuges, rixas, discordias, odia, imprecationes, perfidiasque quotidie vident gliscere, immò ardere, tacitè se-

VIII.